



АС САЛАМ

БИСМИЛЛАГЪИ ПРАХИМАНИ ПРАХИИМ

www.assalam.ru

№ 02 (98)

15 февраль 2010 шин
Рабиюль-аввал 1431 шин
Багъа 17 къ.

assamlak@mail.ru

3 Идавсил
Мавлуд



5 Жула ппу -
Адам идавс



7 На Аллагънайн
таваккал
дував



НА ЛАКСКОМ ЯЗЫКЕ

БУСУРМАННАЛ РУВХИАНИЙССА ККАЗИТ

Ххирасса уссурвал ва ссурвал!

Вана бувкунни Мухаммад Идавс дуни-яллий ляхъусса хурмат лавайсса рабиюль-аввал барз. Мубараксса Къуръандалул аятрайн буну, Аллагънал Мухаммад Идавс гъан увссар шалла дуняллуна хъиншивуну, хъинбалану. Мунияту жувагу шукрулий бикан аркинссару Аллагу Тааьланал Цала Хиабибнал хъирив бачин бунутий. Мухаммад Идавс дуняллий ляхъаву хъанахъиссар жула цинявнал хъуннасса ххаришивуну ва жуннасса дазу-зума дакъасса хъиншивуну. Жува цуксса хларачат буларчагу, му хъиншиву-хъинбалдарахлу Аллагу Тааьланайн лайкъсса шукру бан къахъунтиссар. Мукун бухурчагу, жува Кланайн шукрулийминнавух ва

Хиабибуллагънан бюхъ-айсса хурмат бувайминнавух биканшиврул, жува ва барз Мухаммад Идавсин хас буну, мавлудру дурну хъинссар.

Идавсил увкуссар: «На гъан увссара инсантурал хасиятру ххуй даншиврул» - куну. Аллагънал Илчинал хасият-мяърипатрачан гъан булланнав жувагу Аллагу Тааьланал. Ва хурмат хъуннасса зуруй гъарца бусурманчувнал дакиниву Идавс ляхъав-риятусса ххаришивугу, мунахсса дакинхтунусса ччавугу цаъкъ хъуннав! Ва барз цинявппа бусурманнан бавкъусса, барачатсса хъуннав тий, дуаьлий буру Аллагу Тааьланайн.

Ас-Салам кказитрал
редакция

Мухаммад Хиабибуллагъ



Ревизия Имам Магъдинал бантиссар

Имамтурал мажлисрайсса Муфтийнал вяъза



УттигъаннуДагъусттаннал Бусурманнал Рувханийсса Идаралува имамтурал мажлис хъунни. Ва мажлисрай бувсса хукмулду жулва буккултрангу баян бан ччай буру.

Цалчин: Гъарца райондалул имам шанма зурул дянйв цалва райондалийсса циняв шархурдаун ва циняв мизитиртаван гъан аркинссар, шяраваллаува имамтал цалла даву цукун дуллай бури ххал баншиврул. Ми имамтурал мизитиртаву байсса вяъзарду чумуцун бавкъусса бикан аркинссар. Районнал имамтал циняв шяраваллал жяма-

тиртташчал хъуна бавкъуну, гайннах вичи дирхъуну, цала имамнайн цукунсса аьрзарду, аьй-бювкъурду дурив ххал дан аркинссар.

Килчин: Шяраву динналул даву дачин дан аркинссар администрациялул бакичитурашчал архал. Миннавасса ца-цавай биклай имамтурал ци даву дуллай буссарив къакулуну, ца-ца чумал гайннахун бахчилай. Мукунсса бувчу-къабувчурду къабиканшиврул, администрациялул бакичиначан лавгун, жува цукунсса даву дан ччай буссарув бусан, ккаккан бан аркинссар. Му чумал куннан-ку бувчаву дикантиссар.

» 5

Мадиалив ялапар хъанахъисса ца инсаннал ивкун ур хъинну обсса хасият дусса арс. Га ивкунсса чумал ппу хлатталивгума къалавгун ур. Ца хъхуну буттан цала арс Алжаннаву макра ххал хъуну ур. Махлаттал хъусса буттал: «Ина мивун цукун агъра?» - куну цувххукун, арснал жаваб дуллуну дур: «Ца чумал на шагърулул зуманив лавгссияв, гъазаватрая зана хъуну нанисса Мухаммад Идавс ва ганал асхлаттал хъуна бакъин. Гайннавацца цаннах на цувххуссия: «Идавс цукун ур?» - куну. «Аллагънайн шукру, га сагъну-саламатну ур» - увкуна ганал. На ххари хъуссияв Идавс цулулуну шавай зана шаврия. Га ххаришиврул цаний на Аллагънал багъишла ивтунна».

Рабиюль-аввал барз Мухаммад идавс увса барзри, мунияту жува муния ххаришиву дуварча, Аллагъ жулва бунагъирттал ялтту учан бюхъайссар.

Ва дуняллий щинчлав къакулссар Къиямасса Къини цува чун агъантиссарив. Амма Аллагънал жучанмасса рахму хъуннасса бунутий, жушчава бюхълай бур ва дуняллий бунува Къиямасса Къини щил чларав бацантиссарув бувчин. Хадисраву бур: «Къиямасса Къини инсан цана дуняллуву ххирану ивкманашчал ацантиссар».

Аллагу Тааьланал цала Хиабиб увсса къини бусурманнал ххаришиву дайсса къинину дурссар. Мухаммад Идавс увссар рабиюль-аввал зурул 12-ку хъхуну, кюрххил чаклил чун дучавайсса чумал. Му чумал дурсса дуаь цамур чумал дурмурнир ана-

варну Аллагънал къамул дайссар тий бур.

Маккалал шайх Мухаммад ибн-Аляви аль-Маликинах цувххуну бивкун бур: «Циванни жула Идавс рабиюль-аввал зуруй увсса, мубараксса раджаб, шаъбан, рамазан зуруй къаувну?» Шайхнал увкуну бур: «Мухаммад Хиабибуллагъ мий зурдардий увссания, инсантуран хханссия Аллагънал гай зурдардийну Идавс хъун увсса. Мунияту Аллагънал чичру дурссар Идавс рабиюль-аввал зуруй аншиврул, муниятну ва барз хъун баншиврул».

Адам Идавсил бурхаву Мухаммадлул нур дирхъусса чумал, циняв малаиктал бикиссар мудан Адамлул бурхлах бурвгун. Яла ганал дуаь дурну, Аллагънал му нур Адамлул хъун киссурттал михъиртаву дирхъуссар. Адамлулгу цалва кисри мурччайн шунгу буну, цалва яруннийн бувкун увкуссар: «Я ттул янил чани, я Расуллагаъ» - куну.

Аллагънал жула Идавс хъинну хъун увссар, хлатта, бусурманчувнал цала арснал ца Мухаммад дизарча, арс увххукун, ппу лавай изаву хъинссар тийгума бур.

Цанасса чумал бур цавай бякъусса инсантал бувкун, «Мухаммад Идавс жуна ххирану иккан къааркинссар, му цайми куннасса инсанни, Идавс ва дуняллий лавгун махъ ганая цукунчлавса хайр бакъассар, салават лахъну дуккин къабучиссар, мавлудру дуллан къабучиссар, мавлудрая Къуръандалува цичлав чивчуну бакъассар» тисса. Цала Идавсил увкуссар: «Зул Иман камил къахъунтиссар, зула хъуслияргу, оьрчларгу, циняв инсантураяргу на ххира къавхъусса» (аль-Бухари). Мавлуд дуккавугу Идавсил чумалгу диркиссар «мавлуд» тисса ца къадиркунгу.

» 7

Дуниялий

Исраф къахъун

Малайзиянаву ляхъан буну бур чаклин иссайний шин чанну харж дан кумаг байсса аппарат. ХIакъину дуниялийсса 1,7 миллиард бусурманнавасса чIявуми кIирисса ва щинал къянатсса билаятиртай ялапар хъанай бухъувкун, гайннал ва аппаратрая хъинну хъунмасса мюнпат ласунссар.

Мукумма, ваний чаклин ислаиссаксса хIаллай бюхъантIиссар Къуръандалул аятиртах вичIи дишин. Ца инсаннал иссаву дан ва аппаратрал 1,3 литра щинал харж дувай. Масъала, хIажлил чIумал ца гъантлул мутталай циняв бусурман чаклин биссун 50 000 000 литра щинал харж хъанай дур. Ва аппарат ишла булларчарив, 10 000 000 литра диял хъунтIиссар тIар. Аппаратрал багъа 3-4 азарва доллар бикIантIиссар тIар.

www.islamdag.ru



Европанал бусурман

Уттигъанну Италиянал хъун шагъру Римлив бусурманнансса хIалалсса хъунмасса тучан тIивтIунни, Исламрал динналин буну бивхсса хIайвантрал дикI ва цаймигу хIалалсса дуки хIячIия ласун бюхъайсса.

Ва тучан тIитIлатIисса чIумал шиккун чIявусса бусурман бавтIун бия, хаснува, Римрал, Флоренциялул ва Равваналул мизитиртал имамтал.

Италиянаву ялапар хъанахъисса бусурманнаша хъхъичIвагу бюхъайссия базаллува хIалалсса дикI ласун, укунсса хъунмасса тучан тIитIавриллив Италиянал бусурман цачIун бан кумаг бантIиссар.

Мукумма, вай гъантрай Германиянал Маннхайм тIисса шагърулий бусурманнал банк тIивтIунни, Шариатрал къадагъа дирхъусса риба (процент ласаву) къабувайсса. Ва кунмасса бусурманнал банкирттал арцу хIарамсса, масъала хIан ягу къалиян даххайсса компаниярдаву къадишайссар.

www.islamrf.ru

Аьрасатнаву

Воркуталийсса мизит — дакъаврил лишан

«ИншаАллагъ жува мизит банну» - укунсса ца дусса статья бивккунни «Заполярье» тIисса кказитрай.

Мизит бансса пикри хъуну бивкIун бур Воркуталул имам МахIмудафанди МухIаммадовлул 2001 шинал. «Га чIумал жул шагърулуву мизит баву магъа кунмасса хавар бия. Цанарив щилчIав щаквагу бакъар мизит халкъуннан гъава кунма аьркинну бушиву, шагърулуву ялапар хъанахъисса ацIния ххюазара бусурманчув мюрщисса чак бай къатравун къабатIлай, багъайкунсса мизитравун зананшиврул. Ва хъанай бур чIявуминнал яла хъхъичIунмур хиял» - тIий ур имам.

ХIакъинусса къини, аьхIамдулиллагъ, Воркуталий даву най дур — мизит бан хIадур бувсса кIанай техника зий дайдирихъунни. АцIра шинал хъхъичI имам ивкIун ур нюжмар чаклинвагу аьркинссакса жамят батIиनावав

тIисса пикрирдай, цIанасса иш чIалай ва хъинну ххари хъанай ур.

Воркуталийсса бусурманнал уттигу ца ххарисса иш хъунни. 2008-ку шинал шикку бусурманнал хIатталу дансса кIану личIи бунунни.

Воркуталул мэр В.Л. Будовскийл тIий ур: «Жулва шагърулий ччянира дия мизит бавриву аьркиншиву. Мунил жулва шагърулулу агълу хъиннува цачIун бантIиссар. Ххувшаврил майданни мизит ва килиса чIарав бикIантIиссар. ЦIанасса кризисрал чIумал мизит бан бигъасса иш бакъар, мунияту ччимур кумаграл жунна хъуннасса бигъашиву данссар. Жулва шагърулуву бусурман ва христиан мудан бакъуну ялапар хъанай, куннан куннал кумаг буллай бикIайссия. Ва мизит бавривугу мукумма бикIансса умуд бур».

Мизит кIира зивулийса, цинугу 700 квадрат дусса, минаралул лахъшиву 25 метра дусса бикIантIиссар тIар. Ганиву архIал азаллий ххюттурша инсаннаша чак бан хъунтIиссар.

www.islamdag.ru



Дагъустаннай

Имам Шамил (къ.с.) хъама къаивтссар



Гъашину Дагъустаннал машгурсса арс Имам Шамил (къ.с.) ва дунияллия лавгун 140 шин хъанай

дур. Муни буну, Дагъустаннал Бусурманнал РувхIанийсса Идаралул чIарусса давурттив дан тIий бур. Масъала, Дагъустаннал циняв мизитиртал имамтурал ца нюжмар къинисса вяъза ванал оьрмулун хас бувсса буваву, ялун нанисса ник тарбия даншиврул, укунсса вирттаврал оьрму миннан кIулну бикIан хIарачат буваву.

Укунсса цала буттал кIану ххирасса, ватанналухлу жан дулун хIадурсса, гъунар бусса вирттал хъама къабитан хIарачат барча, жулва къимат ялавай къабагъантIиссар.

Имам Шамил (къ.с.) ивкIссар хъинну гъунар бусса аьралуннал бакIчи ва хIукуматрал амир. Му бакъассагу жунма кIулну бикIан аьркинни ваначIа Накъшубанди тIарикъатрал изну диркIшиву, Гъази-Гъумучатусса шайх Джамалуддиннул (къ.с.) дулусса.


www.islamdag.ru

Пикрилул ттеркъукъив

Дагъустаннал Бусурманнал РувхIанийсса Идаралул ва www.islamdag.ru сайтрал редакциялул «Пикрилул ттеркъукъив» («Жемчужины мысли») тIисса цIусса лу итабавкъунни.

Ва луттираву бавтIун бур дин-

налул элмулучIан кIункIу тIисса ва цалва оьрмулул мяна дурчIин ччисса инсантурансса насихIатру. Ва бивккунанаша бюхълай бур кIул бан кулпатравусса багъу-бизулул адабирттая, бунагъирттая арх шаврия ва мукумма цаймигу чIявусса мюнпат бусса масъаларттая. Вай иширттан хас бувсса луттирду ванияр тихунмайгу итибакълан тIий бур.



Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № _____

Тираж 3. 250 экз.

Сдано в печать 12 февраля 2010 г.

Индекс 51388

Адрес редакции

367015, РД, г. Махачкала, ул. Азиза Алиева 2.

Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru; www.assalam.ru

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Патимат ГАМЗАТОВА

Редактор

Иса ОМАРОВ

Канонический редактор

Курамухаммад МАГОМЕДОВ

Ответственный секретарь

Ахмад МАГОМЕДОВ






Менеджер

Мухаммад ХИРИЯСУЛАЕВ
Халидасхаб МАМАТХАНОВ

Компьютерная группа



Лейла ГУСЕЙНОВА
Гульнара АБДУЛАЕВА


Идавсил Мавлуд


Мавлуд учайссар Аллагу Тааьланал Мухаммад Идавсин  дуллусса хасшивуртгая, хъхъичунайшивуртгая, ганал  оьрмулия бусан, Идавс  хъун ан, Аллагнал  жува Мухаммадлул  умматрава бунутгий ххаришиву дан бусурман бавтисса мажлисрайн.


ИдавсиласхIабтуралгумукунма бавтIун Идавсия  буслай, Идавс  хъун уллай бивкIссар. Мухаммад Идавс  Маккалия Мадиналив ивзсса чIумал, Мадиналивсса ансартурал га хъуна авкIуссар цинявннан кIулсса «Талааьл бадру аьлайна» тIисса мавлуд дурккуну. Мухаммад Идавс  увсса зуруй чIярусса мавлудру дурккуну хъинсар. Жулла динналуву му барачатсса, чири бусса давури. Мавлудрай Мухаммад Идавсил  оьрмулия бусайссар, тавбу-истигъфар дайссар, Къурбан буккайссар, зикри байссар, салават дуккайссар.

Мавлудру дуклакисса мажлису баврил мюнпатрая чIявусса хъунисса аьлимтал буслай бивкIссар.

Идавсил  яла хъхъичIунма асхIаб Абубакрдул  увкуссар: «Ца диргъам харж дурну мавлуд дурма ттушчал архIал Алжаннавун уххантIиссар».

Килчинма халиф Оьмар  тIий ивкIссар «Мавлуд хъун дурма – Исламрал дин машгур дурмари».

Шамулчинма халиф Оьсман  тIий ивкIссар: «Мавлуд дурну ца диргъам садакIалун дуллума – Бадру ва ХIунайн гъазавтрай ивкIма кунассар».

Мукьулчинма халиф Аьли-асхIаблул  увкуссар: «Мавлуд



дурма Иман дакъа ва дунияллия къагъантIиссар».


ХIасан-аль-Басринал увкуссар: «ТучIа УхIуд зунтгуксса муси диркIссания, на ми мавлуд дурну харж дантIиссия».

Джунайд аль-Багъададинал увкуссар: «ДакIнихтуну мавлудрайн увкIсса инсан – хIакъсса бусурманчув хъанахъиссар».


Маъруф аль-Курхи тIий ивкIссар: «Дукрагу дурну динналул уссурваврайн мавлудрайн оьвкума Къиямасса Къини идавстурашчал архIал ацIантIиссар».

Фахруддин ар-Разинал увкуссар: «Мавлуд дурккусса дукралий чара бакъа барачат бикIайссар. Ми дукралия чанссарагу цайми дукралушчал хIала хъурча, гайннуйнгу барачат биййссар. Мавлуд дурккус-


са щин хIарчIманал, къюкI нурданул дуцIайссар. Мавлуд дурккусса арпу цайми арцушчал хIала духхарча, мавлудрал барачат гайннуйнгу биянтIиссар».

Имам аш-Шафиънал  увкуссар: «Мавлудрайн уссурваврайн оьвкуну, гайннан дукра дуллума «Наим» тIисса Алжаннавун гъантIиссар».

Сарию Сакати тIий ивкIссар: «Мавлудрайн гъансса къасттирай шавату увксса инсан – Алжаннул багъиртгавун уххан къасттирайма кунассар».

Аль-ХIафиз ас-СуьютIи тIий ивкIссар: «Мавлуд дурккусса къатлуьн Аллагнал  РахIмат ликкайссар. Малаиктал му къатлул лагма лагайссар, мивусса цинявннайн барачат ликкайссар».

Мавлудрал агабру

● Мавлудрайн наниманал марцIсса нийят дикIан аьркинсар динналул мажлисрайн лавгун Мухаммад Идавсил  оьрмулия кIул бан, салават дуккин, зикри буккин, Къурбан буккин, эбадат дан. Дукра дукансса, аьлахъансса мурадрал зия дурсса нийят дикIан къабучIиссар.

● Мавлудрайн гъан аьркинсар чаклингу ивссуну, марцIсса

яннагу ларххун, тIааьнсса къанкьугу дурну.


● Мавлуд дуклакисса чIумал дунияллул захIматшивуртгая пикри буллан къабучIиссар.


● Мавлудраву бусласимуних хъинну хIисав ларсун вичIи дишин аьркинсар.

● Мавлудрай хъами ва арамтал ца къатлуву щябикIан къабучIиссар.

● Хъами Шариаьтарайн буну ларххун, барткару ва лажин личIаннин щалва чурх бахълавгун бикIан аьркинссар. Акъахъурча, барачат къабикIантIиссар, хIатта мукунсса хъами бунагъравун дагълагъиссар.

● Мавлудрал хIадуршинна цала кашилух бурувгун дан аьркинсар (дукра даву, садакъа бачIаву).

● Мавлуд дан яла хъинмур чIун – Мухаммад Идавс  увсса барз ва къини дунугу, цамур чIумал дан къабучIисса ххай бикIан къабучIиссар, мундангу дурну хъинссар.

● Мавлуд дуккирча, Аллагнал  инсаннай ялув бивхъусса фаризартту (чак, зума ва м.ц.) биттур къабан бучIисса ххай бикIан къабучIиссар.

● Инсантурал аьй къаданшиврул, ккаккиялул мавлуд дуллан къабучIиссар.






● Мавлуд дансса чIун дурчIин аьркинссар чаклил чIумухун къадахчинсса куцуй.




● Мавлуд кIива-шанма мазрай дуккин бучIиссар, масъала, аьраб мазрай ва лакку мазрай.






Мухаммадрасул Магадов **Мухаммад ИдавсийчIансса  ччаву**

Чанссавагу Мухаммад Идавс  кIулсса, ганал оьрмулия бавсса инсаннаша га къаххирану икIан къабюхъайссар. Мухаммад Идавс  лайкъссар яла хъуннамур ччавугу, эшкъигу, хIурматту жучIава ганайн бикIан. Жунма ххирану бикIай жунма хъинбала байсса, хайр биян байсса инсантал. Цукунникъай къаххирану икIан Мухаммад  Аллагнал  циняв инсантуруан, малаиктуруан, жиндирдан рахIматран идавснугу тIайла увксса, цинявпагу инсантуруан жагълулия элмулийн, зулмулия чаннайн ххуллу тIивтIусса. Вана хIакъинусса кынигу, 1400 шил ларгун махъгу, мунал хIикматрал бувцIусса мукъурттил чIявусса бусурман тарбия буллай. Жунма кIулли Мухаммад Идавсил  циксса инсантал мискиншивруя аваданшиврийн, нигълия паракъатширийн, зулмулия аьдлулийн бувцIуссарив, циксса къанчурдиха къуллугъ бувайми Аллагнайн  эбадат дуллалли бувссарив. Нитти-буттаха, чIаххувраха, мачча-гъанминнаха, дустураха хIурмат бан цикссаннан лахъхъин бувссарив. Мий гъарзад ва дунияллийсса Идавсил  барачатшивур. Ахиратравумур тIурча, хIадисраву бувсун бур, цинявпа инсантал аьрасатрал майданнив Аллагу Тааьланал хIисаб дайдишиннин ялугълай бавцIусса чIумал, миннан хъинну хъуннасса захIматшиву, аьзав дикIантIисса. Хъунисса даражартгайса идавстал, малаиктал бикIантIиссар нигъа бувсун, цанма ци хъувивав тIий. Му чIумал цинявпагу инсантал жула Мухаммад ИдавсийчIан  бучIантIиссар шафааьт, кумаг чIа тIий. Мунал шафаьтрайну чапуртуруангума бигъашиву дикIантIиссар – миннан цал-цал аьзав бигъа дуллантIиссар. Мунияту Аллагу  Къуръандалулу тIий ур Идавсихъ (мяъна): «**Жу ина гъан уварду циняв халкъуннан рахматну**». Къиямасса Къини цинявпа инсантал идавстурачIан занантIиссар шафааьт чIа тIий. Цалчин Адам  идавсийчIан гъантIиссар. Мунал цаща къахъунтIиссар куну, НухI  идавсийчIан гъан бантIиссар. Ганалгу Ибрагъим  идавсийчIан гъан бантIиссар. Яла Муса  ИдавсийчIан, яла Эса  идавсийчIан гъан бантIиссар. Амма циняв идавстал «нафси, нафси» тIий цалва буллай бикIантIиссар. Ахирданийгу циняв халкъ Мухаммад ИдавсийчIан  бучантIиссар, ганахъ шафааьт бува тIий. Микку Мухаммад Идавс  Аллагнал  хъхъичI суждалин агъантIиссар. Аллагу Тааьланал учинтIиссар: «БакI гъаз дува, чIа уча винна ччимур» - куну. Идавсил  учинтIиссар: «Уммати, уммати, ттул уммат ххассал бува, я Аллагу!» Аллагнал  учинтIиссар: «Бува шафааьт, буххан ба вилва уммат Алжаннавун» - куну.

Цамур хIадисраву бур: «Къиямасса Къини Аллагу Тааьланал циняв идавстуран цалва умматиртгал чIарав хъунисса нурданул минбарду бантIиссар. Яла Аллагнал  идавстурахъ учинтIиссар: «Лахъияра минбардайн» - куну. Циняв идавстал лахъантIиссар ца Мухаммад Идавс  личIаннин. Аллагнал  ганахъ цIуххинтIиссар: «На вин яла ххуймур минбар булав, ина мунийн цан къалавхъра?» - куну. Жула Идавсил  учинтIиссар: «На нигъа увсун ура, на мийн лахъарча, нава Алжаннавун лавгун, ттул уммат шафааьт бакъа къаличIан». Му чIумалгу Идавс  цалва уммат хъама къабитлай, мунил пикрилий икIантIиссар.

Расулулагънал  увкуссар: «Аллагу Тааьланал ттун кIира зад дуллуни, гайннувацца ца дурчIа куну. Цалчинмур зад – Аллагнал  увкунни: «На вил умматрал бачIи хIисаб къадурну Алжаннавун гъан банна», кIилчинмур – Аллагнал  ттун шафааьт буллуни. На кIилчинмур дурчIав, шафааьтрайну на бачIиннайр чIявусса Алжаннавун тIайла буванна, яла бунагъру бумий, яла заэвий ххассал банна».

Мукъурттийну жуцава Идавсия  камилну бусан къабюхъантIиссар ва жува мунал  умматравасса бушивугу цуксса талихI буссарив ва дунияллий кIул бан щаллулу къабюхъантIиссар. Аллагу Тааьланал жунна цала ХIабибначIансса  ччаву дулунав. Амин!

Жула ппу - Адам идавс العناية

Гъази аль-Хусайнинал «МатГалиюль-жумгъур»

(дайдихъу хъхъичмий номердай)

Яла Аллагънал ﷻ Адамлул ﷻ бурхIава мунал зуррият букан бувну бур, кIялассагу лухIиссагу, арамталгу, хъамигу, миннайн Цалла ﷻ нургу дуртIуну дур. Га нур дирманал Иман дирхъуну дур, къадирма – чапур хъуну ур. Миннаиваса цаппара чанна лархъсса нур дусса хъуну бур. Адамлул ﷻ цIувххуну бур: «Я Рабби, вай цар?» - куну. Аллагънал ﷻ: «Вай вил зуриятраясса идавстали», - куну бур. Яла Аллагънал ﷻ Адамлул ﷻ ХIава шар буллуну бур. Мугу ножмар къини ахтгаяр махъсса чIун диркIун

ну, гивусса цинявпагу идавстурал кIантту ккаккан бувну бур. Жаннату-л-Фирдавсравун бивукун, гайннан гиву ца тах ккаккун бур, жавагъирттая бувсса, ятIулсса якъутрал арулттуршра личча дусса, щоллисса чарханалул шанугу бувтсса. Яла малаитурал увкуну бур: «Я Адам ﷻ, утти шикку ликкиязу» - куну. Яла ливкун га тахлий щябивкIун бур. ГайнначIан кIира тIутIул къюмай ларсун бувкIун бур, гъарца къюмай хъхъунил ва къинилул лахъшивруйсса. Яла миннал дуркуну дур, хIарчIун дур, Алжаннул багъирдавух занан бивкIун бур. Адамлул ﷻ ХIаващал

бувкIра» - куну бур. Иблислул: «ТIул вищал бансса насихIат бур, ттун ина нава Алжаннавун вищалва буххан баву ччива» - куну бур. Ганил: «Инава цан къабуххара?» - куну бурча, иблислул: «Ттун къюлтIну бухан ччай бур» - куну бур. ПIавусрал: «Му къабюхъантIиссар, амма на вичIан ина буххан бансса цама увцуну бучIанна» - куну бур. Яла ПIавус шатлчIан лавгун бур, му шатлуяр ххуйсса задгу Алжаннаву къабивкIун бур. ПIавусрал шатлхъ увкуну бур: «Алжаннул хъулуву ца малаик ур хъуни малаиктураясса насихIат бусанна тIий» - куну. Яла шатта анаварну лавгун бур



дур, мунихлуну ножмар къини шарсса дуцаву суннат хъуссар. Яла Аллагънал ﷻ буюр бувну бур Алжаннул ххазиначи Ризван-малаикнахъ Алжаннул чархъэл оърчIру, хIурулгъентал чIюлу бува куну. Яла Адамлул ﷻ ляхъан бувну бур ца чу, хъинну ххуйсса къанкъ дусса, мунил цIагу Маймун дусса, цIупар кунма анаварну бачайсса. Му чу бувцуну бувкIун, ганий Адам ﷻ буртти ивтун ур. ХIавалунугу Алжаннул варианттаяса варани бучIан бувну бур, ттеркьюкъивгу дирхъусса, мугу муний буртти бивтун бур. Яла Жабраиллул ﷻ му чал хъхъури дургъуну дур, Михаил урчIа чулух авчуну ур, Исрафил куя чулух авчуну ур, цинярда ссавруннайх буккан бувну, гъарца малаиктурахъхъун саламгу буллуну бур, гайнналгу кIанаха цIа дурну, икрам бувну бур. Яла Алжаннул хъулувун бувкIун, ца ссятрай хъулух бавцIуну бур. Аллагънал ﷻ Адамлул ﷻ вахIий ликкан увну ур: «Ва Ттул Алжанни, ва Ттул Караматрал къаттари, буххияра зу шивун, канакияра зунна ччимуния, так ва лачIал мурхъирачIан гъан машари, зува залимтал къахъун» - куну, малаиктал бараталну бацIан бувну бур. Яла ми Алжаннавун бувххун бурча, малаитурал гай Алжаннавух буккан був-

цачIун хъун ччан бивкIукун, ца ттеркьюкъал зумрутрал къуппалувун увххун, зар-махмухданул пардавурттугу дирчуну, цачIун шайсса бивкIун бур. ХIава Алжаннул чалаьлувун наниний, ганил хъирив хIат дакъа-са хIурулгъентал бикIайва тIар. Яла га Адам ﷻ Алжаннавух занай икIайсса ивкIун ур. Амма га лачIал мурхъирачIан гъан хъувкун, ганияту лихъайсса ивкIун ур, цалла Аллагънащал ﷻ дурсса къутIи дакIнийну. Га лачIал мурхъугу Алжаннавусса яла хъунмамур мурхъ бивкIун бур. Ганил хъунисса чIаллугу бивкIун бур. Гайннул цIа-ца ккукку варианттул бакIусса бивкIун бур, цуппагу ницIаяр нацIусса, накIляр кIяласса бивкIун бур. Яла иблислун Адамгу ﷻ ХIавагу Алжаннавун буххан бувшиву бавукун, га лачIал мурхъираятугу мабукара кушиву кIул хъувкун, Алжаннул хъулувун бувкIун, шантуршра шиная микку бавцIуну бур, Алжаннул хъулул чулухунай увкIманах ялугълай. Ца чIумал ца ххуйсса ПIавус тIисса лелуххи бувкIун бур. Му цуппагу Алжаннул лелуххантрал паччахI бивкIун бур. Иблислун га ххал хъувкун, ганичIанмай хъуну увкуну бур: «Я мубараксса лелуххий, ина чату бувкIра?» - куну. Ганил: «Адамлул ﷻ багъирдавату

гиккун. Иблислул: «Вища на къюлтIну Алжаннавун буххан бан хъунсарив? Ттул вихъва бусансса ца насихIан бурча?» - куну бур. «Жува ци хIилла дурну буххантIиссару?» - цIувххуну бур шатлул. Иблислул увкуну бур: «Ина къацI тIивтIуну абахъу, на вил къацIливун бухханна, яла ина на лачIал мурхъирачIа биша». Шатлулгу лавгун гикку бивхъуну бур. Яла Иблислул гикку ца зюннав буккан бувну, хъинну ххуйну, бавма тирх учинсса куцIуй бивцуну бур. Адамлул ﷻ ва ХIавалун зюннавал чIу бавукун, вичIи дишин гиккун бувкIун бур. Иблислул увкуну бур: «Я Адам ﷻ! Ачу ва мурхъирачIан». «Ттухъ муничIан манарда куссар» - куну бур Адам идавсил ﷻ. Иблислул увкуну бур: «Заннал ﷻ зухъ вай мубукара увкухъурчан, зу малаиктал бакъанутIири, ягу зу къалитIун тIий бунутIийри. Цан чирча, вай лачIа бувкума хъунав къашайссар. На зухъ насихIатра бусласисса». Яла мунал хъа бувну бур лачIаяту зарал бакъассар куну. ХIавал цуппа къабивчIаншиврул, даим Алжаннаву личIаншиврул, хъхъичIунмай хъуну бувкуну бур лачIа. Ганин цичав къавхъуну бур.

(гихунмайгу буссар)

Ревизия Имам Магъдинал бантIиссар

1 « **Шамулчин:** Райондалийсса, шархъавусса телевидение ишла дан хIарачат бан аьркинссар, му хъинну агъамсса даву хъанахъиссар. Дагъусттаннай кIира-шанна цалла телеканал дусса районнугума бур. Миккун дулунсса материал дакъахъурча, «Махачкала-ТВ», «Чиркей-ТВ», «Домашний», «Мир вашему дому» - вай циняв студиярттая материал ласун бюхъантIиссар.

Мукулчин: Имамнал вяъза бикIан аьркинссар жамаатрал элмулул даражалуха лавхъхъусса. Гайнначал бувчIайсса мазрай гъалгъа бан аьркинссар. Ца-цавай имамтал бикIай Къуръанналул аятру ва Идавсил ﷻ хIадисругу буслай, циванни цалва тIимур жаматран къабувчIайсса, тIий. Мизитравун бучIаймий имамтал кунма дурккусса бакъанутIий къабувчIайссар. Масъалдаран, шайх Саид-Афандинал лугтирду буккайминнан кIулссар, гай цукун бувчIин бигъану чивчуну буссарив.

Ххюйлчин: Гъарца мизитраву бикIан аьркинссар ревизия байсса комиссия. Мукулчине комиссия РувхIанийсса Идаралуругу буссар. Гъарца шинал жу аудитортурайн оьвкуну, жулла даврий ревизия бувару. Зун ччарча, зучIангу гъан бан бюхъанссар. Ччай бакъахъурчарив, гужрай буллан най цучIав акъассар, амма жун баян бан багъантIиссар, пулансса имам ревизия баврия махъунай хъушиву. Мукулчине бикIантIиссар имам Магъди укканнин. Яла ревизия ганал бантIиссар. Ревизия барча имамтуран хъинссар, мунил гайннал даву пюрун кунна марцIну чIалачIи дантIиссар, ज्याматрал хъхъичIугу лажин кIялану бацIан бюхъантIиссар.

Ряххулчин: Гъарцаннал цалла даву дакIнихтуну дуларча, жучIава барачат бикIантIиссар. Мунил бувну, щихчIав къабурувгун, бакIрайн ларсъсса даву щаллуну дуллан аьркинссар.

Арулчин: Гъарца чакливу чара бакъа дуаь «аль-КъунутI» («магъдина») дуккаван аьркинссар. Му дуаьлуву Аллагъу Табаланахъ жулва Дагъусттаннангу, цинявпагу бусурманнангу фитнардая буруччаву чIа учайссар. Хъхъувай тагъажуд чак бувну махъгу щалвагу Дагъусттаннахлу дуаь даван аьркинссар. Жунма кIулли жуйва бунагъру бушиву, мунияту жухлура дуаь дуллан бикIару, амма Дагъусттан хъама битан къабучIиссар. ЧIаххучувнал къатта ччучIай бухъурча, паракъатну шаппа щябикIан къашайнутIий.

Мийлчин: Шяраваллил имам, цанна даву дан лахъхъин бан цу-унугу учIаннин ялугълай ацIан къааьркинссар. Мунал аьркинссар школардайн, ясли-садирттайн ва цаймигу идарарттайн лавгун, дин цирив бувчIин буллан. ДукIу буссия ца хавар, Медакадемиялуву дуклакисса студентъгал вацIувун ливхъун бур тIисса. Жунма баян буллай бакъанугу, цайми институтирттавагу лихъайссар вацIравун. Жулва жагъбитал мукулчине аьркин бакъасса кIанттурдайн багъаврия бурувччуну бикIаншиврул, минначал хъуна бакълай, гъалгъа буллан аьркинссар. Бюхълай бунува миннан бувчIин къабарча, ми вацIравун лагавриву жуйрагу ай дикIантIиссар. Исламран зарал биян баву – щалла дунияллун зарал биян баву хъанахъиссар. ВацIувун лавгма ттун кIулсса ягу маччасса акъар тIий, паракъатну бикIан къабучIиссар. Дагъусттан жулла цинявналугу ватанни. Жулва миллат Исламри, цамур бакъассар. Ттун ци личIишиву дикIан бюхъайссар, бусурманчув ци миллатраясса унугу? Бусурмансса жугъутI хъинссар, маччасса вагъгабистнаяр.

Цамургу агъамсса масъала хъанахъиссар хъаннин хас бувсса вяъзарду баву. Масъала, хъами махIрам архIал акъа щилчIав машиналуву щя къабикIланшиврул, ва м.ц. Цанасса чIумал шагърурдаву зуна баву хъинну гъарза хъуну бур. Му жулва оьрмулувусса хъунмасса оьбалари. Арамтурангу мунил биян буллалисса зарал хъунмасса бушиву бувчIин бан аьркинссар. Ппу цала оьрчIал ялув ацIайса куна, шяраваллил имамгу жаматрал ялув ацIан аьркинссар.

Чал къавхъуну рабиюль-аввал барз байбихълай бур. Му МухIаммад Идавс ﷺ ва дунияллийн увксса барзри. Шанна шинал хъхъичI ттуин Мадиналийн оьвкуну, гикку бия Идавсил ﷻ оьрмулун хас бувсса конкурс. Мунияр махъ жувагу МухIаммад Идавсил ﷻ оьрмулияса кокурсу буллалиссару. Имамтурангу му даву дачин дан аьркинссар. Жулва инсантуран Исламрал дин ххуйну кIулну дикIаншиврул, гъарца мизитраву динналул гъанурду, тIайлану чак бан, Къуръан буккин лахъхъин байсса курсу тIитин аьркинссар.

ХIакъину жулва оьрмулуву хъунмасса кIану бугълай бур Интернетрал. Алимталгу муния махъунмай хъанан къабучIиссар. Аллагънал ﷻ дуллусса неъмат тIайласса ххуллий ишла дан хIарачат бан аьркинссар.

Чак байсса душнин хIажак (джинсы) лахлан бучIиссарив? ХIиджаб чара бакъа лаххан аьркинссарив? 8-928-...-02

ХIиджаб учайссар барткару ва лажин личIаннин щалва хъамитайпалул чурх кIучI байсса янналин. Аллагънал ﷻ Къуръандалул аятрайну циняв хъаннин буржну бувссар ХIиджаб лаххаву, чил инсантуран ганил чурххал базурду ххал къахъуншиврул.

ХIиджабрал шартIру: 1) барткару ва лажин личIаннин щалва чурх бахълаган байсса дикIан аьркинссар, 2) хъиннура чIюлусса дикIан къабучIиссар; 3) чани чIалачIисса янналия дурсса дикIан къабучIиссар; 4) чурххацIун ларчIисса дикIан къабучIиссар; 5) аьтнилул къанкъ дуса дикIан къабучIиссар; 6) арамура янналуха лархъхъусса дикIан къабучIиссар. Вай шартIру циву дусса ччимур янналин ХIиджаб учайссар.

ХIажак (джинсы) лаххан бучIиссар мунил ялтту никиртгаяр ялавайсса гъухъагу лавххун.

ХIан хIачIайсса инсаннан ци бан аьркинссар? 8-928-...-09

Шайкун ганахъ насихIат буну, хIанттил буллалисса зарал бувчIин бан аьркинссар. Яла Аллагънахъ ﷻ дуаьлуву ганал му оьккисса хасият къаритаву чIа тIун аьркинссар.

КIюрххил изан къавхъуну чак личIарча, га хъирив та лахъайссар? 8-928-...-68

Шания ивзукун, шайкун анаварну хъирив лахъан аьркинссар, махъун къабувтун.

БучIиссарив хъамитайпа цуппалу такселий щябикIан?

Хъамитайпа цуппалу такселий щябикIан бучIиссар:

- 1) Машиналул пюрунтру цIансса бакъахъурча (цIансса бухъурча, ялавай итабавкъуну бикIан аьркинссар);
- 2) Цуппа ялапар хъанахъисса шагърулул ягу шяраваллил къатIув буклай бакъахъурча.

Ци бунугу буслалисса чIумал аьнч учирча, буслалимур щялмахъ бакъар тIун бикIай. Му тIайлассарив?

ТIайлассар. МухIаммад Идавсил ﷺ увкуссар: «*Ци-бунугу буслалисса чIумал аьнч учирча, буслалимур тIайлассар*» («ТухIфатуль мухIтаж»).

БучIиссарив щарссанин ласнащал архIал ца къатлуву чак буллан? 8-928-...-98

БучIиссар. Жамааьтрай чак буллай бухъурча, щарсса ласнал махъ дацIан аьркинссар, ганан къачIалансса куцIуй.

Хъамитайпалул чак цукун бан аьркинссар? 8-928-...-91

Хъамитайпалул чакливу дуссар диялсса хасшивуртгу. Муния хъинну ххуйну чивчуну буссар ДУМД-рал итабавкъусса чак бан лахъхъайсса луттирдаву.

БучIиссарив хIайвандалул сурат дусса тахIнилува дукра канан?

БучIиссар («Маа ан-Нас»).

БучIиссарив инсаннахъхъун салам булун ка гъаз дурну ягу бакI яларай дурну?

БакI яларай дурну салам булаву къахъинссар. Ка гъаз дурну буллай ухъурча, мазрахгу «Ассаламу аьлайкум» учаву хъинссар. («ТухIфатуль мухIтаж»).

ИвкIусса инсаннахъ жаназалул чак хъамитайпалун бан бучIиссарив?

Шяраву цаягу адимина ягу 7-8 шин хъусса оьрчI ухъурча, жаназалул чак ганал бан аьркинссар. Мукунсса инсантал бакъахъурча, жаназалул чак хъамитайпалул бан аьркинссар. Жаназалул чак хъамитайпалул буну махъ ялун адимина учIарча, ганан му чак цал ялагу бан аьркиншиву дакъассар.

Къатлуву ажари бухъурча, гивун щяйтIан къабуххайссар тIун бикIай. Му тIайлассарив?

Шапа ажари битаву хъинссар, суннатссар, хаснува кIяласса бухъурча хъинссар. Идавсил ﷺ увкуссар: «*Ажари – тIунгу, Жабраил-малаикнангу ххирасса лелуххир. Ажарттул цилва залуннал къаттагу ацIния ряхва чIаххурайсса къаттагу щяйтIантрая буруччайссар*».

Ттул буттал буттал 50 шинал хъхъичI аьрщи машан ларсун дия. Утти ганил хъхъичIвасса залуннал арснал аср ур га аьрщи махъуннай дула тIий. Шариаьтрайн буну га аьрщарал заллу цу хъанахъиссар?

Шариаьтрайн буну, дарххусса зад махъуннай тIалав дуллан къабучIиссар. Амма дахху-ласулул икьрал зия дуллалисса личIиличIисса сававру дикIан бюхъайссар. Мунияту имамначIан лавгун зулва иш бувчIин бан аьркинссар, ганал Шариаьтрайн буну хIукму баншиврул.

Зунма цIуххин ччисса, ИсламрацIун, шариаьтрацIун, кулпатрал багъу – бизулуцIун бавхIусса ва м.ц. суаллу гъан бан бюхъайссар, SMS – райхчIин ва номерданийн: 8-928-580-37-89

Рузнама

Март

Кьини	КIюрххил чак	Баргъ-буккаву	Ахттайн чак	Ахтта-кьун чак	МаркIачан чак	ХъатIан чак
1	4.47	6.28	12.00	15.06	17.40	19.05
2	4.46	6.26	12.00	15.07	17.41	19.06
4	4.43	6.20	12.00	15.09	17.44	19.09
6	4.39	6.17	12.00	15.10	17.46	19.11
8	4.36	6.15	12.00	15.12	16.49	19.13
10	4.32	6.10	12.00	15.13	16.52	19.16
12	4.29	6.08	12.00	15.15	16.54	19.18
14	4.24	6.05	12.00	15.16	17.56	19.21
16	4.21	6.02	12.00	15.18	17.59	19.24
18	4.18	5.99	12.00	15.19	18.01	19.26
20	4.15	5.96	12.00	15.21	18.03	19.29
22	4.11	5.92	12.00	15.22	18.06	19.31
24	4.07	5.88	12.00	15.22	18.08	19.33
26	4.03	5.84	12.00	15.24	18.11	19.36
28	3.99	5.80	12.00	15.25	18.13	19.38
30	3.95	5.76	12.00	15.25	18.15	19.40

Зунттал районнай ахттакьун чак байссар 10 минутIрал чIалну, маркIачан чак - 5 минутрал чIалну.